

U Pase Kwagh u Bibilo | Tese sha leren i Nomso Yaven a Nomso shin Kasev Yaven a Kasev la Nena?

Kwatakerada u henen kwagh a mi ne ua wase u u henen sha igbenda i u fatyô u pasen jighjigh u nan wou sha kwaghfan yô.

“Kwaghôron wen a luun u doon gbem, . . . sha u fa nen er i doo u nea ôr kwagh a hanma or yô.”—Mbakolose 4:6.

1

“Atindi a Bibilo kera nga a inja hegen ga!”

?



CII MAN U NA MLUMUN YÔ, HEN SHA KWAGH NE:

Ashighe agen ior ka vea kaa ér Bibilo kera ngi a inja ga yô, mba kaan **jighilii** ér atindi a ker la kaha a a ve. U nenge wer or u u lu lamen a nan la nan henen ér atindi a Bibilo, er aa a yange iv man idya man u wuan or la nahan **cii**, kera nga a inja gaa? —Mbaromanu 13:8-10.

Ka atôakaa a nyi nahan alaghga aa na ve or la nana na jighjigh nahana?

Ka mbampin mba nyi nahan u pine or la sha er u fa mnenge u nana?

Ka ivur shin avur a Bibilo a han u fatyô u ôron or shono?

FA KWAGH U Ú ÔR NAN YÔ

“Atindi a Bibilo kera nga a inja ga!”

“Ka kwagh u ior mbagenev ka ve ôr je la. Kpa m na jighjigh mer ka nahan ga sha ci u . . .”

“Nomso mba yaven a nomso shin kasev mba yaven a kasev vea fatyô u den ieren ne ga, ka marami ve.”



CII MAN U NA MLUMUN YÔ, HEN SHA KWAGH NE:

A maren or a isharen i nomso yaven a nomso shin kasev yaven a kasev la kpa, Bibilo ôr se ga. Sha nahan yô, u za gban anyiman sha kwagh ne yô, gema kav er ieren ne i lu i ndôhôr ishima yô.

Tôô kar sha kwagh u Bibilo i tese yô. Ka akaa agen a ndôhôr ishima a nyi alaghga a taver u geman shin den? Ikyav i tesen yô, Anzaakaa 29:22 kaa ér ior mbagenev mba “nyoon ishima fefa” shi mba ngôôr “yuwen” ga. Apostoli Paulu kpa yange ôr kwagh na iyol na kaa ér: “Ka a saren mo u eren kwagh u dedoo yô, kwaghbo kpa a lu a mo her.” (Mbaromanu 7:21) Ka hanma kwagh u ishima i kende se ker u eren cii se er yee?



Ka nyi nahan u hen wer alaghga ia na ve or nana na jighjigh nahana?

Ka mbampin mba nyi nahan u pine or la sha er u fa mnenge u nana?

Ka ivur shin avur a Bibilo a han u fatyô u ôron or shono?

FA KWAGH U Ú ÔR NAN YÔ

“Nomso mba yaven a nomso shin kasev mba yaven a kasev vea fatyô u den ieren ne ga, ka marami ve.”

“A maren or a isharen i nomso yaven a nomso shin kasev yaven a kasev kpa, Bibilo ôr se ga. Kpa i kaa ér . . .”

“A gba u u gema mnenge wou sha kwagh u nomso yaven a nomso shin kasev yaven a kasev la.”

CII MAN U NA MLUMUN YÔ, HEN SHA KWAGH NE:

Adooga tsô or la nan ngu a ijende shin anmgbian u nomso u a yaven a nomso mbagenev yôô? Shin nan ngu a ijende shin anmgbian u kwase u a yaven a kasev mbagenev yôô? Shin or la nan ngu henen ér aluer u venda **akaa a or nan eren yô**, ka **nan kpôô kpôô** u vende yee? Or la na **fa** mnenge wou **jighilii** sha kwagh u nomso yaven a nomso mbagenev shin kasev yaven a kasev mbagenev laa?

Heela tseegh ga: Aluer mbagenev ver ishima ér we u gema mnenge wou a zua sha u ve nahan, tese ér mba wan ikyo sha mnenge wou je he?



Ka atôakaa a nyi nahan alaghga aa na ve or la nana na jighjigh nahana?

Ka mbampin mba nyi nahan u pine or la sha er u fa mnenge u nana?

Ka ivur shin avur a Bibilo a han u fatyô u ôron or shono?

FA KWAGH U ÔR NAN YÔ

“Doo u u gema mnenge wou sha kwagh u nomso yaven a nomso shin kasev yaven a kasev mbagenev laa?”

M fa kwagh u una na u fatyô u henen nahan yô. Nahan kpa, . . .”

Wea soo u seer fan atôakaa agen yô, ôr takerada u *Questions Young People Ask—Answers That Work*, Tihi u sha 1, Ityough 23. Itinekwagh la kaa ér: “How Can I Explain the Bible’s View of Homosexuality?” (Me Pase Kwagh u Bibilo ! Tese sha leren i Kasev Yaven a Kasev shin Nomso Yaven a Nomso la Nena?) Takerada ne ngu sha Intanet hen ijiir i www.jw.org. Nenge ape i nger ér PUBLICATIONS > BOOKS & BROCHURES la.